

¡BOMBA!

Es una gran decisión,
así es respuesta de Estado;
a todo el daño causado
hay que aplicar inversión



K'UINTSIL

Edición especial de fin de semana, del jueves 2 al domingo 5 de noviembre de 2023

CAMPECHE · YUCATÁN · QUINTANA ROO · AÑO 8 · NÚMERO 2107 · www.lajornadamaya.mx

KUUCH

CH'ÍICH' ASAB YA'AB
CHÍIKBESA'AB TUMEN MAAYAAB



Maaya wíiniko'obe' tu chíikbesajo'ob beey juntúul Yuumsil, tumen yaan u kuuch tu táan le uláak'óobo'. Kuuch ch'óome' juntúul ba'alche' k'a'anan tumen ku máan u jaant tu' ba'al yaan tu bak'pachil.

Suuk u yila'al ichil k'áax kaláanta'an, Área de Protección de Flora y

Fauna "Laguna de Términos". U sientifikoil k'aaba'e', Sarcirampus papa, ts'ooke' u chí'ibale' u ch'a'amaj ichil u baatsil Cathartidae.

Jacqueline May Díaz, máax beetik u k'a'aytajilo'ob ichil u múuch'kabil Desarrollo y Medio Ambiente, A.C., tu tsolaje' ku p'isik ichil 67 yéetel 81 sentiimétróos u chowakil, yéetel u kóochile' ku náakal ichil 1.2 yéetel 2 metróos. Ku aaltalo'ob ichil 2.70 yéetel 4.5 kilóos.

"Kéen nuukako'obe' ku ya'abtal u sakil u k'u'uk'mel, yéetel yaan xan u samalchak-k'aank'an. U xiik' yéetel tu neje', ta'anpose'en u boonil, ba'ale' tu ts'ooke' ku booxtal, ts'ooke' k'u'uk'mel bak'pachtik u kaale láayli' xaan piime".

Mina'an u k'u'uk'mel u pool mix u kaal, yéetel u yoot'ele' u kaale' chak, ka'alikil le yaan tu poolo' éek'kume'en, chak k'aank'an tu taamil u kaal yéetel k'aank'an tu kaal.

"U xiik' yéetel u neje' kóochtak. U koje' mu'uk'a'an, yéetel u xaawe' chowaktak, je'el bix xan u yíich'ak", tu ya'alaj.

Maayaobe' tu chíikbesajo'ob ti' úuchben áanalte'ob, beey juntúul yuumsil yaan u wíinkilal je'ex wíinike', ba'ale' u poolle' de chí'ich'.

GABRIEL GRANIEL